



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Origines Benedictinae, Siue Illvstrivm Coenobiorvm Ord.  
S. Benedicti, Nigrorvm Monachorvm, Per Italiam,  
Hispaniam, Galliam, Germaniam, Poloniam, Belgium,  
Britanniam, aliasque Prouincias. Exordia Ac ...**

**Le Mire, Aubert**

**Coloniae Agrippinae, 1614**

Capvt XLIX. Monasterium Regium S. Benedicti, prope opidum de Sahagun,  
Vulgò de S. Benito & Real de Sagagun.

**urn:nbn:de:hbz:466:1-11261**

ne de cetero sanctimonialies adsumeretur aut inuestirentur, vt sic tandem, deficientibus personis, vita illarum ad finem deduceretur, & reditus ad monasterium Egmondense redirent.

## CAPVT XLVIII.

*Metense monasterium, vulgò Meten, in Ba-  
uaria.*

**S**itum id est non procul à *Deckendorf* & Danubio, fundatum à Carolo Magno an. 882. vt vult Auentinus. Fuit primò Canonicorum, quos Henricus Pius, Dux Austriae & Bauariae Amòst & *Phaffenmunster* apud Straubingum collocauit, Benedictinis monachis substitutis, anno 1155. vel 1156. Ita Hundius.

## CAPVT XLIX.

*Monasterium Regium S. Benedicti, prope opidum de Sahagun, Vulgò de S. Benito & Real de Sagagun.*

**D**otatum atq; instauratum est hoc monasterium Sagaguntinum veteribus Cenonense per Regem Alfonso cognomento Magnum eiusque vxorem Ximenam.

nam.

405.

nam. Era 943. hoc est anno Christi 905. Postea  
 verò instauratum per Alfonsum VI. & Con-  
 stantiam eius coniugem, in honorem SS.  
 Martyrum Facundi & Primitiui, quorum  
 corpora ibidem quiescunt. Hoc monasterium  
 Alfonsus VI. Legionensis Rex submisit Ab-  
 batia Cluniacensi an. Domini 1090. Hugonē  
 Abbate Cluniacensi, cum ipso Rege in ci-  
 uitate *Durris* agente. Ut constat ex diploma-  
 te, quod Sandouallius recitat parte prima  
 foundationum monasteriorum Benedictino-  
 rum in Hispania. Huius Alfonsi Regis memi-  
 nit Petrus Cluniacensis: *Non parum imò ma-  
 ximè veritati huius visionis attestatur, quod à  
 mortuo dictum est, Alfonsum Regem à Clunia-  
 censibus monachis sublatum & à tormentis con-  
 similium reorum ereptum. Nam quod omnibus  
 penè Hispanis & Gallis populis notum est, idem  
 Rex Cluniacensis Ecclesie magnus amicus & be-  
 nefactor extitit, ut enim innumera alia piete-  
 tis opera eidem monasterio ab eo impensata ce-  
 am, magnificentissimus & famosus Rex censua-  
 lense, regnumq; suum Christi pauperibus eiu-  
 sdem Christi amore fecerat; & tam à se qui à  
 patre suo Ferdinando, constitutum censum du-  
 centas scilicet & quadraginta auri uncias sin-  
 gulis annis, Cluniacensi Ecclesie persoluebat.*  
*Præter hæc duo monasteria in Hispanijs ex pro-  
 prio construxit, alia à quibusdam alijs personis  
 construi permisit, & ubi construerentur adiu-  
 uit; in*

uit; in quibus Cluniacenses monachos ponens & vnde omnipotenti Deo regulariter seruire possent, Regia liberalitate affluenter arguens, & penè emortuum monastica religionis feruorem ex parte in Hispanijs reportauit, & sibi, hoc studio, post regnum temporale, regnum etiam sempiternum, vti dignum est crepere, comparauit. Obtemperauit benignus Regis aeterni praecepto, faciens sibi amicos de mamona iniquitatis, à quibus amicis, finit à regni villicatione secundum iam dictum visionis tenorem, & à pœnis ereptus, & in aeterna tabernacula susceptus est.

In hoc suo monasterio conditus est Alfonso VI. Rex.

Ceterum illustre hoc Abbatiale monasterium fuit occasio, cur opidum de Sahagun fuerit mirifice auctum atque amplificatum.

S. Attilanus Numantiae seu Zamorae Episcopus, huius loci olim Monachus, fuit ab Urbano II. anno 1080. in numerum Sanctorum relatus. Vitam eius scripsit Lobera. Sunt qui dicant S. Froylanum Episcopum Legionensem eiusdem coenobij olim monachum fuisse.

S. Aluitus siue Aloitus Episcopus Legionensis & S. Ordonius Episcopus Asturicensis, monachi hoc in loco haud dubie fuerunt.

Huic illustri Abbatiae annexi sunt Prioratus non pauci: Monasterium S. Mariae de Piasca, fundatum à Comite Roderico Gongal-

les; a quo Comite illustrissima familia Girorum genus suum ducit.

Monasterium S. *Bartholomei de Medina del Campo*: Cuius loci Prior gaudet titulo Abbat. In eo loco visitur imago Christi crucifixi, & frequentatur magna cum deuotione populi. Monasterium S. *Mancij* qui fuit discipulus Christi vt traditur, & ibidem quiescit.

Monasterium S. *Saluatoris de Nogal* olim Abbatia nunc Prioratus. Fundatrix fuit illustris matrona Eluira Sanchez Era 1001. Ex hoc monasterio Nogalensi assumpti sunt primi monachi ad fundandum monasterium Ordinis S. Benedicti in vrbe Vallisoletana petente Ioanne illius nominis primo Rege, & mittente Ioanne Abbate de Sagagun. Vallisoletanum istud monasterium nunc est caput totius congregationis reformatæ in regno Castellæ. Ita Prudentius Sandouallius prima parte foundationum monasteriorum Benedictinorum in Hispania.

## CAPVT L.

*Cluniacensis ordo & monasterium, in d. Matisconensi.*

**D**E Abbatia Cluniacensis origine sic legitur in Chronico Cluniacensi: *Monasterij Cluniacensis primus fundator fuit Guarinus alias Gerinus, Comes Cabilonensis & Matisconensis, regnante Ludouico Pio Caroli Ma-*

gnip-